

Utoqqaat Siunnersuisooqatigiivisa ataatsimiinnerannit imaqarniliaq

Piffissaq: Tallimangorneq ulloq 22, februaari 2019 nal 11.00 - 13.00
Sumiiffik: Ataatsimiittarfik 1 Kommunip allaffiani, 1 sal

Peqataasut:

Laannguaq Lyngø, siulittaasoq(LL)
Søren Joelsen, siulittaasup tullia(SJ)
Loritha Henriksen, ilaasortaq(LH) – Angalavoq peqataasinnaanani nalunaarpoq
Bodil Karlshøj Poulsen, ilaasortaq(BKP)
Jonas Napātôq, ilaasortaq(JN) – oqarasuaat aqutugalugu peqataavoq
Arnannuaq H Christensen, fagchef(AHC)
Lars Jørgen Kleist, imaqarniliortoq (LJK)

Oqaluuserisassat:

1. Tikilluaqqusineq oqaluuserisassanillu akuersineq siulittaasoq Laannguaq Lyngø-mit

- AHC tikilluaqquaa – neriulluni siunissami suleqatigiilluartoqarnissaanik.
- Utoqqaat Siunnersuisooqatigiivini ilaasortaq nutaaq Jonas Napaattoq imminut ilisaritippoq. 72-inik ukioqarpoq Ittoqqortoormiini najugaqarluni.

2. Ataatsimiinnermit kingullermit imaqarniliap akuersissutigineqarnera

- Novembarip 28-ani 2018-imi ataatsimiinnermit imaqarniliaq imatut iluarsiissutitalerlugu akuersissutigineqarpoq:
 - o Imm, 5) Utoqqarnut Siunnersuisooqatigiit siunnersuisartutut qanoq atuuffeqarpa? Oqaasertaa peerneqassaaq.
 - o Imm, 8) Age Arktisk – imatut iluarsineqassaaq: Age Arctic.
 - o Imm, 8) Oqaasertaa "Taassuma saniatigut kissaatigalugu Kommuneqarfik Sermersuumi 75-inik ukioqalersimagaanni suut pisinnaatitaaffiginerlugit ilisimatinneqarnissaaq" imatut allannngortinneqassaaq:
Taassuma saniatigut kissaatigalugu Kommuneqarfik Sermersuumi 75-inik imaluunniit 80-inik ukioqalersimagaanni suut pitsaaliuinnermut tunngasut iliuuseqartarsinnaanermut periarfissaasinnaasut paaserusullugu
Imm, 8) 75-inik aamma 80-inik ukioqalernermit utoqqalinersiuteqarnerup nalaani maleruagassat suut atuuppat? Oqaasertaa: Tassunga aamma inuit utoqqaat illuanut

- nuukkusuttut amerlaneri pissutigalugu kommunip malinnaasinnaanginnera pissutaavoq. *Peerneqassaaq*.
- Imm, 8) Utoqqalinersiallit utoqqalinersiaannut tunngasoq
Siunnersuuteqartup aqqa peerneqassaaq imatullu allanngortillugu: Utoqqaat Siunnersuisooqatigiivini ilaasortaq....
 - Tamatuma kingorna imaqarniliaq akuerineqarpoq.

3. Ilisimatitseqatigiinneq

Utoqqarnut susassaqarfimmi fagchef nutaaq

Suliffeqarnermut Isumaginninnermullu Ingerlatsivimmi Utoqqarnut susassaqarfimmi fagchef nutaaq Arnannguaq Heilmann Christensen imminut ilisaritippoq. Peqqissaasutut ilinniarsimasuuvoq, Maniitsumi Utoqqaat Illuanni Qeqqata Kommunianilu Maniitsup eqqaani nunaqarfinniittunut aqutsisuusimavoq. Arnannguaq 40-nik ukioqarpoq, katissimavoq pingasunillu erneqarlutik.

Arnannguaq suliffeqarfimmi naleqartitaqarneq pingaartitarivaa, taamaattumillu aqutsisutut atuisuusut(utoqqaat illuanni assigisaannilu najugaqartut) salliuttuaannartuuai sapinngisamillu tamatigit pitsaanerpaamik sullikkusuttarlutik. Aammattaaq sulisut qilanaarlutik suliarortarnissaat assorsuaq pingaartitarisuullugu.

Utoqqarnik sullississagaanni utoqqarnik imaluunniit utoqqarnut tunngasunik sulerusussuseqarnissaq immikkut piumasaqaataasarnissaa angorusuppa. Qeqqata Kommuniani sulitilluni filmeeraliortitsisimavoq minutsinik 20-nik sivisussusilimmik, ilaatigut Maniitsumi Utoqqaat Illuanni sulissagaanni suut minnerpaamik piumasaqaataanersut pillugu. Piumasaqaataasut ilagivaat tatiginartuunissaq aammalu utoqqarnut sullitarisanut ataqqinnittuunissaq. Sulisut tatiginartuugaangata ataqqinnittuullutillu tamanna avatangiiserisamat suniluuttartoq isumaqarpoq.

Qeqqata Kommuniani Maniitsumi Utoqqaat Illuanni Nerijsaaq Wintergames aallartinneqarsimavoq, tassani utoqqaat kommunimi ataatsimeersut (Sisimiut) Maniitsuliarlutik imminnut unammisarput. Nerijsaaq Wintergamesimi utoqqaat peqataasinnaasut tamarmik peqataasarput, taakkununga aamma kaassuartakkamik issiavillit ilaasarput. Utoqqaligaanni toqumut ingerlalertarnermik eqqarsartarneq unitsikkusuppa. Taamatut eqqarsartarneq imaluunniit isumaqartarneq mumisikkusuppa, tassalu utoqqalinissaq qilanaarnartuussasoq.

Oqaatigivaa, Qeqqata Kommuniani sulinermi naggataani Kommunalbestyrelsimut marloriarluni "Utoqqaat Illutsialaat" pillugu siunnersuuteqartarsimalluni, soorlu Atuarfitsiaqartoq imaluunniit Meeqqerivitsialaartoq, taamaalluni kommunimi ataatsimi utoqqaat illu assigiissarneqarsinnaammata.

SJ: Arnannguaq suleqatigilernissaa assorsuaq qilanaarivaa, pingaartumik sulisut tamarmik atorfeqarnermik pillugu pappiaraqarnissaannik anguniagaa pillugu. Tamanna sulisup suliffeqarfimminut suleqatiminullu pisussaaffilerneranik kinguneqassaaq, aammali ulluinnarni inunnut sullitanut sunniuteqassaaq.

LL,BJP aamma JN siunissami Arnannguaq suleqatiginissaanut assorsuaq qilanaarput.

Arnannguaq naggasiullugu Kommuneqarfik Sermersuumi Utoqqaat Illuini aqutsisunut ukiunut marlunnut pilersarusiarsimanini naatsumik oqaluttuarivaa. Pilersaarummiippoq aqutsisut ilaatigut tunaartaqarluni pitsaanerumik sulinerminnut atorussalersorluarneqarnerunissaat naleqartitallu malinneqartarnissaat. Aqutsisut maani Nuummi marsimi naapeqatigiissapput, pilersaarutaavorlu ukiut marluk tulliuttut ingerlanerini 7-eriarluni naapeqatigiittarnissaq. Ilaatigut naleqartitatut aalajangiunneqartut malinneqartarnissaat eqqumaffigineqarnerussaaq, sulisut



napparsimasarnerat annikillisineqassaaq utoqqaallu pitsaanerusumik sullinneqartarnissaannik anguniagaq il il piviusunngortinneqassapput.

Utoqqaat Siunnersuisooqatigiivini ilaasortat pillugit ilisimatitsineq

Siulittaasoq Laannguaq Lyngø

LL AG – Atuagagdliutit-nit apersorneqarsimavoq. Apersorneqarnermini ilaatigut Utoqqaat Siunnersuisooqatigiivisa kissaataat oqaatigivaa:

- Utoqqaat Illersuisuaanik pilersitsineq
- Nuna tamakkerlugu misissuisoqassasoq utoqqaat Kalaallit Nunaanniit nuullutik aallartartut pillugit.

Borgmesterip Aasi C Narup-ip Utoqqaat Siunnersuisooqatigiivini siulittaasoq qallunaat utoqqarnut ministeriata Nuummi ulloq 7, marsi 2019 tikeraarneranut atatillugu ataatsimeeqatiserivaa.

LL Nuummi Utoqqaat Siunnersuisooqatigiivisa kissaataat Utoqqarnut innuttaasunik ataatsimiititsinissap sumut killinnera apeqqutigivaa. Ataatsimiinnernut taamatut ittunut aningaasanik sumit pissarsisoqartarpa. Tamanna Utoqqaat Siunnersuisooqatigiivisa tulliani ataatsimiinnissaminni misissussavaat.

Utoqqaat Siunnersuisooqatigiivini ilaasortat Søren Joelsen

SJ nalunaaruteqarpoq, utoqqaat peqatigiiffiat Palleg februaarip aallartinnerani Japanimiumik, Age Arctic-imik ilisimatusartumik, tikeraarneqarsimasoq.

Ataatsimiinnermit kingullermit malitseqartitsineq:

Utoqqaat Siunnersuisooqatigiivisa Pilutaq pulaassavaat

Utoqqaat Siunnersuisooqatigiivi Pilutamut sulii pulaanngillat. Pulaarnissaq ullulernerqartussaavoq.

- AHC nalunaaruteqarpoq Pilutaq Utoqqaat Siunnersuisooqatigiivinit pulaarneqarnissi kissaatigivaa. Aalajangerneqarpoq Utoqqaat Siunnersuisooqatigiit Pilutamut ulloq 7, marsi 2019 nal 13.00 pulaarneqassasoq.
- Utoqqaat Siunnersuisooqatigiivisa paaserusuppaat ullup Pilutami qanoq ingerlasarnera. Arlaannik apeqqutissaqartilluni apeqqutissat LJK-mut nassiinneqartassapput.

Utoqqaat Siunnersuisooqatigiit pillugit quppersagaq (siunnersuut)

Suliffeqarnermut Isumaginninnermullu Ingerlatsivik Utoqqaat Siunnersuisooqatigiivi pillugit quppersaq suliaralugu ingerlatsivoq. Quppersagassaq Attaveqatigiinnermut immikkortoqarfik suleqatigalugu inaarsarneqassaaq.

- Quppersakkap suliarineqarnissaa qanittukkat Attaveqatigiinnermut immikkoortoqarfik suleqatigalugu aallartinneqassaaq.
- Quppersakkami atugassanik Utoqqaat Siunnersuisooqatigiivini ilaasortat nutaamik assileneqassapput.

Age Arctic

Suliffeqarnermut Isumaginninnermullu Ataatsimiititamut Arctic Age

Workshoppeqartitsisoqassaaq (saqqummiisoqarluni, oqallittoqarluni, suliat pillugit isummanik avitseqatigiinneq) – tassani Utoqqaat Siunnersuisooqatigiivisa aggersarneqarnissaat kinguartinneqarallarpoq. Aaqqissuussinnermut sulii ulluliisoqanngilaq. Ullussalerneqariapat Utoqqaat Siunnersuisooqatigiivi aggersarneqassapput.

- Workshop-eqartitsinissat pisussat killiffii misissorneqassapput.



Utoqqaat Siunnersuisooqatigiivisa ataatsimiinnerisa imaqarniliorneqarneri

Utoqqaat Siunnersuisooqatigiivisa ataatsimiinnerannit imaqarniliat akuerisat Kommuneqarfik Sermersuup nittartagaaniipput uani: Utoqqaat Siunnersuisooqatigiit.

- Utoqqaat Siunnersuisooqatigiivinit kissaatigineqarpoq, imaqarniliaq ataatsimiinneq siqqutillaarlugu utaqqittariaqanngimmat. Ilaasortanit tamanit takuneqarsinnaasariaqarpoq saqqummiunneqaraangat. Nassuiaatigineqarpoq Utoqqaat Siunnersuisooqatigiit ataatsimiinnerannit imaqarniliaq ataatsimiinnissap tullianut akuerineqaaqartarmat.

Suliunnaarnek - utoqqalinersiaqalernek aamma Utoqqalinersialittut suut eqqumaffigisassaappat?

Utoqqaat Siunnersuisooqatigiivi kingullermik ataatsimiinnermi kissaatigivaat, Kommuneqarfik Sermersooq siunissami allakkatigut inuit utoqqalinersiuteqalertussat ilisimatinneqartassasut utoqqalinersialittut suut pisinnaatitaaffiginerai aamma suut pisussaaffiginerai pillugu.

Killiffik:

-

Utoqqalinersiutilinnut pensionisiat pillugit

Utoqqaat Siunnersuisooqatigiivini ilaasortaq oqaluuserisassamik allamik nassiussivoq Utoqqaat Siunnersuisooqatigiivisa 28.novembari 2018-imi ataatsimiinnissaannut atatillugu, kisermaat aningaasanik atorsinnaasaat pillugu nassuiaasoqarnissaa apeqquteqaatigalugu:

- Kisimiittunut utoqqalinersiat
- Kisimiittunut Siusinaarluni pensionisiat
- Siusinaartumik pensionisialik + Siusinaartumik pensionisialik
- Utoqqalinersialik + Siusinaartumik pensionisialik
- Utoqqalinersialik + Pensionisiaqanngitsoq
- Siusinaartumik pensionisialik + Pensionisiaqanngitsoq

Utoqqaat Siunnersuisooqatigiivini ilaasortap ilanngussaq oqaluuserisassanut ilanngussassaq, nammineq utoqqalinersiami takussutissaa, oktobarimut tunngasoq nassarpaa:

- Pensionisiat	11.426,00 kr.
- Tapisiat	73,00 kr.
- Akileraarutit	-2.769,00 kr.
- Akiliutinut takussutissaq	-3.810,83 kr.
Buskorti	252,00 kr.
Katillugit: sinneri	4.667,17 kr.

Killiffik:

- Utoqqaat Siunnersuisooqatigiivini ilaasortat namminneerlutik namminerminnut tunngasut kommunimut saaffiginnissutigissavaat.
- Kommunip nittartagaani aningaasat atorsinnaasat minnerpaaffilerneqarsimanerat pillugu quppersagaq ilanngunneqarsimanersoq takuneqassaaq.

4. Utoqqarnut tunngasunik kisitsisinngorlugu takussutissaq (Oqaluuserisassanut ilaajuaannartoq)

Suliffeqarnermut Isumaginninnermullu Ingerlatsivik kisitsisit nutaanik ilaartorneqartut saqqummiuppaat:

- Puiortunngortut januaarimi 2019



- Kommuneqarfik Sermersuumi innuttaasut puiortunngorsimasut januaarimi 2019-imi ataatsimoortumik takussutissartaat

Killiffik:

- Tusaatissatut tiguneqarpoq

5. Nuummi Utoqqaat ornittagassaannik pilersitsinissamik siunnersuut

Utoqqaat Siunnersuisooqatigiivini siulittaasoq Laannguaq Lynge Utoqqaat Siunnersuisooqatigiivisa ataatsimiinnissannut oqaluuserisassamik tunniussaqqarpoq siunnersuutigalugu: Nuummi Utoqqaat ornittagaqalernissaat pillugu.

LL oqaluuserisassatut siunnersuutigisani ataatsimiinnermi saqqummiullugulu nassuiaatigissavaa.

LL oqaluuserisassaq saqqummiuppaa nassuiaateqarfigalugulu uku immikkoortut tunngavigalugit

- Utoqqaat Blok 10-mi Ornittagaat iluarineqarunnaarpoq, taanna asiulersimaqimmat, oqoqarluni, inissakitsuarsuulluni pitsaanngitsunillu atortoqarluni.
- Nuummiinnaq utoqqaat 1.000-t sinnerlugit amerlassuseqqarput

Kommuneqarfik Sermersooq 2020-mut missingersuusiortuni aallartittussaavoq, tassungalu atatillugu missingersuusiornissamut pingaarnersiuneq maannangaaq politikikkikut aallartereerneqqarsinnaavoq, aammalu tassunga taputartuunneqqarsinnaavoq angerlarsimaffimmi ikiorteqartitsisarneq.

Utoqqaat ornittagartaartinnerisigut periarfissat tamarmik pigineqalissapput. Init sammisassaqtitsiviusut assigiinngiaartinneqqarsinnaapput, soorlu init assassortarfiit, sanaluttarfiit eqqaarsaartarfillu. Ilaatigut internetsimi aamma misissuataarisooqarsinnaasariaqassaaq, taamaattumillu ilaatigut WIFI-veqarnissaa kissaatigineqarpoq.

Utoqqaat Siunnersuisooqatigiivini ilaasortat tamarmik siunnersuut, Nuummi utoqqaat ornittagaqalernissaat, akuerivaat aamma siunnersuutip Suliffeqarnermut Inuussutissarsionermullu Ataatsimiititami suliarineqarnissaa ilanngullugu.

6. Taasariaqartut allat

SJ nalunaarutigaa, Utoqqaat peqatigiiffiat PALLEQ januaarimi ataatsimeersuartoq nutaamillu siulersuisooqalersoq ukuusunik:

- Aaninnguaq Falksen, Siulittaasoq
- Inge Rosbach, Siulittaasup tullia
- Jakob Amonsens, Allatsi
- Søren Joelsen Aningaserisoq
- Johan Mathæussen, Ilaasortaq

LL nalunaaruteqarpoq, Timersoqatigiit Qeersaat januaarimi ataatsimeersuarmat tassanilu Bolethe Sandgreen siulittaasunngortoq. Timersoqatigiit Qeersaat ukiaru 2019-imi ukiunik 20-nngortorsiussapput.

Najukkami Ataatsimiititaliap attuuffiunut paasissutissat Utoqqaat peqatigiiffiitut tamanut aammalu Timersoqatigiit Qeersaanut nassiunneqqassapput, taamaalilluni taakku sammisassat



suliniutillu illoqarfimmi innuttaasunut atuisunullu tunngasut suut aningaasanik
tapiiffigineqarsinnaanersut ilisimaniassammassuk.

LL Ataatsimiinnissami tullermi siunnersuutit erngiinnaq nalunaarutigineqassapput,
pissutigalugu pilersaarutaasutut apriliip 10-ani 2019-imi ataatsimiinnissaq AHC-p piffissami
tassani angalanissaa pissutigalugu kinguartinneqartariaqarmat.

